

歷代帝王宅京記卷十六

崑山顧炎武著

吳縣朱記榮校刊

開封

大梁

五代史職方考曰汴州唐故曰宣武軍梁以汴州為開封府建為東都後唐滅梁復為宣武軍晉天福三年升為東京漢周因之

後梁

冊府元龜曰太祖開平元年夏四月戊辰升汴州為開封府建東都是月制宮殿及都門名正殿為崇元殿東殿為元德殿內殿為金祥殿萬歲堂為萬歲殿門如殿

歷代帝王宅京記卷十六

朱氏槐廬校刊

名大內正門為元化門皇牆南門為建國門滴漏門為啟運門下馬門為升龍門元德殿前門為崇明門正殿東門為金烏門西門為玉兔門正衙東門為崇禮門東偏門為銀臺門宴堂門為德陽門天王門為賓天門皇牆東門為寬仁門浚儀門為厚載門皇牆西門為神獸門望京門為金鳳門宋門為觀化門尉氏門為高明門鄭門為開明門梁門為乾象門酸棗門為興和門封邱門為含曜門曹門為建陽門升開封浚儀為赤縣尉氏封邱雍邱陳留為畿縣

五月改文思院為乾文院同和院為佐鸞院

二年秋七月甲午以高明門外繁臺為講武臺是臺西

漢梁孝王常按歌閱樂於此當時因名曰吹臺其後有繁氏居於其側里人乃以姓呼之時代綿寢雖官吏亦從俗焉帝每登眺蒐乘訓戎宰臣以是奏而名之

三年春二月以滑州酸棗縣長垣縣鄭州中牟縣陽武縣宋州襄邑縣曹州戴邑縣許州扶溝鄆陵縣陳州大康等九縣割屬開封府仍升爲畿縣

秋七月改章善門爲左右銀臺門其左右銀臺門卻改爲左右興善門冬十一月改乾文院爲文思院行從殿爲興宅殿弓箭庫殿爲宣武殿毬場爲安毬場

後唐

冊府元龜曰後唐莊宗同光元年冬十二月壬申敕汴

歷代帝王宅京記卷十六

二

朱氏槐廬校刊

州僞庭所立殿宇諸門竝去牌額復本名其宣武軍額置於咸安門所在宮苑卽充行宮應有不合安鴟吻處竝可去之

後晉

高祖天福二年夏五月丙辰以汴州行宮爲大甯宮三年冬十月庚辰詔曰爲國之規在於敏政建都之法務要利民厯攷前經朗然通論顧惟涼德獲啟丕基當數朝戰伐之餘是兆庶傷殘之後車徒旣廣帑廩咸虛經年之輓粟飛芻繼日而勞民動衆常煩漕運不給供須今汴州水陸要衝山河形勢乃萬庾千箱之地是四通八達之郊爰自按巡益觀宜便俾升都邑以利兵民

汴州宜升爲東京開封府仍升開封浚儀兩縣爲赤縣
餘升爲畿縣應舊制開封府時所管屬縣竝可仍舊割
屬收管亦升爲畿縣其雒京改爲西京雍京改爲晉昌
軍

丁亥詔改大甯宮門爲明德門又改京城諸門名南城
尉氏門以薰風爲名西二門鄭門梁門以金義乾明爲
名北二門酸棗封邱以元化宣陽爲名東二門曹門宋
門以迎春仁和爲名

四年春二月辛卯改東京玉華殿爲永福殿

三月己卯改明德殿爲滋德殿以宮城南門同名故也
五年秋九月戊子改東京上源驛爲都亭驛

歷代帝王宅京記卷十六

三

朱氏槐廬校刊

後漢

高祖天福十二年六月戊辰詔曰浚都重地汴水名區
控襟帶於八方便梯航於萬國睠言王氣允稱皇居其
汴州宜仍舊爲東京

後周

太祖廣順元年夏六月以唐都長安時京城等門比定
令東京諸門薰風等爲京城門明德門爲皇城門啟運
等爲宮城門昇龍等爲宮門崇元等爲殿門

二年春正月詔開封府修補京師羅郭率府界丁夫五
萬五千版築旬日罷冬十一月置宏文館史館集賢館
於厚載門內向東橫街東北

通鑑曰廣順三年帝欲祀南郊以自古以來郊祀常在洛陽疑之執政曰天子所都則可以祀百神何必洛陽於是始築圓邱社稷壇作太廟於大梁

世宗顯德二年夏四月乙卯詔曰惟王建國實曰京師度地居民固有前則東京華夷臻湊水陸會通時向隆平日增繁盛而都城因舊制度未恢諸衛軍營或多窄陋百司公署無處興修加以坊市之中邸店有限工商外至億兆無窮儲貨之資增添不定貧闕之戶供辦實艱而又屋宇交連街衢湫隘入夏有暑溼之苦居常多烟火之憂將使公私須廣都邑宜令所司於京城四面別築羅城先立標幟候冬末春初農務閒時卽量差近

歷代帝王宅京記卷十六 四

朱氏槐廬校刊

甸人夫漸次修築春作纔動便令放散如或土工未畢則迤邐次年修築所冀寬容辦集今後凡有營葬及興置宅竈并草市並須去標幟七里外其標幟內候官中擘畫定街巷軍營倉場諸司公廨院務了卽任百姓營造

三年春正月戊戌發開封府曹滑鄭州之民十餘萬築大梁外城

三年夏六月癸亥詔曰輦轂之下謂之浩穰萬國駿奔四方繁會此地比爲藩翰近建京都人物誼闐閭巷隘陋雨雪則有泥濘之患風旱則多火燭之憂每遇炎蒸易生疫疾近者開廣都邑展引街坊雖然暫勞久成大

利朕昨自淮上迴及京師周覽康衢更思通濟千門萬戶庶諧安逸之心盛夏隆冬倍減寒溫之苦其京城內街道闊五十步者許兩邊人戶各於五步內取便種樹掘井修益涼棚其三十步以下至二十五步者各與三步其次有差

四年夏四月修永福殿

五年夏五月賜東京新城諸門名在寅曰寅賓門在辰曰延春門在巳曰朱明門在午曰景風門在未曰畏景門在申曰迎秋門在戌曰肅政門在亥曰元德門在子曰長景門在丑曰愛景門改大內東偏舊賓天門為通苑門又以京城東新修驛為懷信驛以待江南貢使焉

歷代帝王宅京記卷十六

五 宋氏槐廬校刊

恭帝顯德六年冬十二月改萬歲殿為紫宸殿

宋京城

宋史地理志曰舊城周迴二十里一百五十五步東二

門北曰望春初名和政南曰麗景南三門中曰朱雀東曰保

康大中祥符五年創建西曰崇明西二門南曰宜秋北曰闔闔北

三門中曰景龍東曰安遠西曰天波以上宋初仍梁晉舊名至太平興國

四年改新城周迴五十里一百六十五步大中祥符九年增築元豐

元年重修政和六年詔有司度國之南展築京城移置

官司軍營舊城周四十八里二百二十三步周顯德三年

初李勉築本朝曰闕城亦曰襄城新城周顯德三年韓

通築本朝曰國南三門中曰南薰東曰宣化西曰安上

東二門南曰朝陽北曰含輝太平興國四年改寅賓後復西二門南

曰順天北曰金輝北四門中曰通天天聖初改甯德後復東曰長

景次東曰永泰西曰安肅初號衛州門以上皆因周舊名至太平興國四年改今名

汴河上水門南曰大通太平興國四年賜名天聖初改順濟後復今名北曰宣

澤舊南北水門皆曰大通熙甯十年改汴河下南曰上善北曰通津天聖初改

廣津熙甯十年復惠民河上曰普濟下曰廣利廣濟河上曰咸

豐下曰善利舊名咸通上南門曰永順熙甯十年賜名其後又於金

輝門南置開遠門舊名通遠以上皆太平興國四年賜名天聖初改今名

按城濠曰護龍河闊十餘丈內外植柳粉牆朱戶禁人

往來城門皆甕城三層屈曲開門惟南薰新鄭新宋封

邱正門皆直門兩重以通御路金元以後多湮塞舊有

十三門南曰南薰陳州戴樓東曰新宋揚州新曹西曰

歷代帝王定京記卷十六 六

朱氏槐廬校刊

新鄭萬勝固子北曰陳橋封邱新酸棗衛州今道路所

通者惟曹鄭陳州揚州南薰固子封邱七門耳固或作堦非也

宋朝會要曰自朱梁建都以汴州為東京皆因藩鎮舊

制但改名額而周顯德初始廣新城周迴四十八里二

百二十三步

趙德麟侯鯖錄曰舊城周迴二十里一百五十五步即

汴州城唐建中二年節度使李勉重築國初號曰闕城

亦曰裏城新城乃周世宗顯德二年四月詔別築新城

周迴四十八里二百二十三步號曰外城又曰羅城亦

曰新城元豐中裕陵命內侍宋用臣重築之

宋敏求東京記曰周世宗顯德二年四月詔京城四面

築羅城三年正月發京畿滑鄭曹之民命薛可言等督之仍命韓通總其事王朴經度凡通衢委巷廣袤之間皆朴定其制踰年而成神宗熙甯中始四面爲敵樓作甕城乃濬治濠塹

周密癸辛雜識曰汴之外城周世宗時所築宋神宗又展拓之其高際天堅壯雄偉南關有太祖講武池周美成汴都賦形容盡矣梁王鼓吹臺徽宗龍德宮舊址尙在

岳珂程史曰開寶戊辰藝祖初修汴京大其城址曲而宛如蚓曲焉耆老相傳趙中令鳩工奏圖初取方直四面皆有門坊市經緯其間井井繩列上覽而怒自取筆

歷代帝王宅京記卷十六

七

朱氏槐廬校刊

塗之命以幅紙作大圈紆曲縱斜旁註曰依此修築故城卽當時遺蹟也時人咸罔測多病其不宜於觀美熙甯乙卯神宗在位遂欲改作覽苑中牧豚及內作坊之事卒不敢更第增牌而已及政和間蔡京擅國亟奏廣其規以便宮室苑囿之奉命宦侍董其役凡周旋數十里一撤而方之如矩墉堞樓櫓雖甚藻飾而蕩然無曩時之堅樸矣一時迄功第賞侈其事至以表記兩命詞科之題槩可想見其張皇也靖康胡馬南牧粘罕幹離不揚鞭城下有得色曰是易攻下令植砲四隅隨方而擊之城旣引直一砲所望一壁皆不可立意以此失守藝祖沉幾遠睹至是始驗宸筆所定圖宋承平時藏秘

閣今不存

和維愚見紀志曰汴之外城門名各有意義如云鄭門以其通往鄭州也如云酸棗門以其通往延津卽舊酸棗縣也其固子門未知其義近閱宣和遺事內載上清寶籙宮成浚濠水深二丈東則景龍門橋西則天波門橋二橋之下壘石爲固引舟相通兩橋人物往來不覺又都城沿革云西面門從南曰順天門俗名新門次曰利澤水門汴河自此入城次北曰開遠門又名萬勝門次北曰金輝門俗名固子門歐陽公歸田錄亦云飲於固子橋然則以壘石爲固而名其橋因以名其門也周禮掌固之職掌修城郭橋梁之固以爲固所依阻故曰固或曰固作顧視也汴城卧牛之形北視黃河爲子而子不敢來害其母此臆度說無所據

歷代帝王宅京記卷十六

八

朱氏槐廬校刊

今省城 國朝洪武初重築外包以磚門五東曰麗景南曰南薰西曰大梁北曰安遠東北曰仁和外建月城上各建樓其西舊名望京角樓四敵臺八十四窩鋪八十三東西南門甕城內皆有漢壽亭侯廟而北門甕城內則元帝廟也皆近時建

宋大內宮室

宋史地理志曰東京汴之開封也梁爲東都後唐罷晉復爲東京宋因周之舊爲都建隆三年廣皇城東北隅命有司畫洛陽宮殿之制按圖修之而皇居始壯麗矣

雍熙三年欲廣宮城詔殿前指揮使劉延翰等經度之

以居民多不欲徙遂罷宮城周迴五里南三門中曰乾

元宋初依梁晉之舊名曰明德太平興國三年改丹鳳

大中祥符八年改正陽明道二年改宣德雍熙元年

改今名全唐詩話今東京皇城乾元門舊宣武軍鼓

角樓也節度使王彥威有詩刻石在其上後梁氏建國

其石不東曰左掖西曰右掖東西面門曰東華西華

知所在寬仁神獸開寶三年改今名熙北一門曰拱宸舊名元

甯十年又改東華門北曰諤門西橫門曰左右長慶

熙甯門曰左右嘉肅左右銀臺東華門內一門曰左承

天祥符乾德六年賜名大中祥符元年正月天西華門

書降其上詔加祥符二字而增葺之內一門曰右承天左承天門內道北門曰宣祐舊名光

天大中祥符八年改今名大甯正南門內正殿曰大慶東西門曰左

明道元年改今名熙甯間兩掖門曰東西上閣東西門曰左右

太和宋初曰日華月華大正衙殿曰文德宋初曰文

熙甯八年改今名嘉福宋初曰左右勤政明大慶殿舊名崇元乾德四年

興國九年改乾元大中祥符入北有紫宸殿舊名崇德

年改天安明道三年改今名改視朝之前殿也西有垂拱殿舊名長春明常日視朝

之所也次西有皇儀殿開寶四年賜名滋福又次西有

集英殿舊名廣政開寶三年曰大明淳化間曰含光大

中祥符八年名會慶明道元年十月改今名宴殿也殿後有需雲殿舊名玉華後改瓊東有昇平樓

舊名紫雲明宮中觀宴之所也後宮有崇政殿舊名簡

道元年改太平興國二年改今名熙閱事之所也殿後有景福殿

甯間改北橫門曰通極

歷代帝王宅京記卷十六 九

宋氏槐廬校刊

西有殿北向曰延和便坐殿也大中祥符七年建後苑東門泊北向便殿成賜

名宣和門承明殿明道元年改端明二年改今名凡殿有門者皆隨殿名宮中

又有延慶舊名萬歲大中祥符七年改安福觀文舊名集聖明道二年改肅儀慶厯入

今名清景慶雲玉京等殿壽甯堂舊名清淨明道元年改延春閣

即萬春寶道元年改福甯殿即延慶明道元年改東西有門曰左右昭慶觀

文殿西門曰延真其東真君殿曰積慶前建感真閣又

有龍圖閣下有資政崇和宣德述古四殿天章閣下有

羣玉藥珠二殿後有寶文閣即壽昌閣慶厯元年改閣東西有嘉

德延康二殿前有景輝門後苑東門曰甯陽即宣和門明道元年

改苑內有崇聖殿太清樓其西又有宜聖化成即玉宸殿明道

元年金華西涼清心等殿翔鸞儀鳳二閣華景翠芳瑤

歷代帝王宅京記卷十六

宋氏槐廬校刊

津三亭延福宮有穆清殿延慶殿北有柔儀殿初有殿無名章

獻太后名曰崇徽明道元年改崇徽殿北有欽明殿舊名天和

明道元年改觀文又改延福宮北有廣聖宮天聖二年建名長甯

景祐二年改內有太清玉清沖和集福會祥五殿建流盃殿

於後苑明道元年八月修文德殿成是夜禁中火延燒崇德長春滋福會慶延慶崇徽天和承明八殿

命宰相呂夷簡為修葺大內使樞密副使楊崇勳副之發京東西河北淮南江東西路工匠給役內出乘輿物

左藏庫易緡錢二十萬又有慈德殿楊太后所居景祐元年賜名觀

助其費以故改諸殿名又有慈德殿祐元年賜名觀

稼殿在後苑觀種稻延義閣在崇政殿內邇英閣在崇政殿西南蓋侍

臣講讀之所也與延隆儒殿邇英閣後小殿皇慈壽殿

義同景祐三年賜名隆儒殿祐三年始賜名慈壽殿

皇太后所居治慶壽宮保慈宮熙甯二年玉華殿在後基

平元年賜名春殿熙甯元年建睿思殿八年承極殿元豐三年崇慶隆

在玉華殿後

祐二宮 元祐元年 睿宮 神宗二年 宣和殿 在睿思殿
年起四年殿成其東側別有三年廢崇甯初復作大觀三
前日重熙後刻日環碧元符三年廢崇甯初復作大觀三
年徽宗製記刻日環碧元符三年廢崇甯初復作大觀三
石實蔡京為之刻日環碧元符三年廢崇甯初復作大觀三
御集建中靖國元年 玉虛殿 初建 玉華閣 宣和殿後
改日熙明尋復舊 玉虛殿 初建 玉華閣 宣和殿後
親蠶宮 政和元年 燕甯殿 在延福北奉安仁宗延福宮
三年春新作於大內北拱辰門外舊宮在後苑之西南
今其地乃百司供應之所凡內酒坊裁造院油醋柴炭
鞍轡等庫悉移他處又遷兩僧寺兩軍營而作新宮焉
始南向殿因宮名曰延福次曰藥珠有亭曰碧琅玕其
東門曰晨暉其西門曰麗澤宮左復列三位其殿則有
穆清成平會甯睿謨凝和崑玉羣玉其東閣則有蕙馥
報瓊蟠桃春錦疊瓊芳麗玉寒香拂雲偃蓋翠葆華
英雲錦蘭薰摘金其西閣有繁英雪香拂雲偃蓋翠葆華
文綺絳蓼華綠綺瑤碧清陰秋香叢玉扶玉絳雲會
甯之北疊石為山上有殿曰翠微旁為二亭曰雲巖
日層巖凝和之次閣曰明春其高踰一十尺閣之
側為殿二日玉英日玉潤其背附城築土植杏名曰杏

歷代帝王宅京記卷十六 上

朱氏槐廬校刊

岡覆茅為亭修竹萬竿引流其下宮之右為佐二閣曰
宴春廣十有二丈舞臺四列山亭日飛華橫度之四百尺有
海為二亭架石梁以通湖梁之上又疏泉為湖中作隄以
奇亭隄中作梁以通湖梁之上又疏泉為湖中作隄以
翠諸柵蹄尾不類塵境初蔡京命童貫區別幽勝苑若生
成西抵麗澤不類塵境初蔡京命童貫區別幽勝苑若生
熙何所麗澤不類塵境初蔡京命童貫區別幽勝苑若生
號延福五位東西配大內者因各為制度不務沿襲門西
抵天波門宮東西配大內者因各為制度不務沿襲門西
者也而晨暉門出入最多其後又跨舊城修築號延福
第六位跨城之外浚濠深者水三尺東景龍門橋西天
波門橋二橋之外浚濠深者水三尺東景龍門橋西天
自通行不覺也名曰景龍江有龍德宮初元符三年以懿親
至封邸為之及作景龍江有龍德宮初元符三年以懿親
宅潛邸為之及作景龍江有龍德宮初元符三年以懿親
比對峙中塗一壺春堂絕岸至龍德宮奇花珍木殿宇比
展拓盡都城良嶽延福保和殿政和三年美秀林麓暢茂
樓觀參差猶良嶽延福保和殿政和三年美秀林麓暢茂
也宮在舊城因附見此保和殿政和三年美秀林麓暢茂
玉清神霄宮 政和三年建舊名玉清和陽 上清寶籙宮

政和五年作在景龍門東對景輝門又作仁濟輔正二亭於宮前作上清寶籙宮密連禁署內列亭臺館舍不可勝計命道士施民符藥徽宗時登皇城下視之又開景龍門城上作復道通寶籙宮以便齋醮之事徽宗數從復道上往來是年十二月始張燈於景龍門

萬歲山良嶽 政和七年始於上清寶籙宮之東作萬歲

介亭分東西二嶺直接南山之最高一峰九十步上有

山兩峯並峙有雁池唯唯亭北直接龍吟堂山之南則壽

藥寮有西莊有巢雲亭有白龍泝濯龍峽蟠秀練光跨

雲亭羅漢巖又西有萬松嶺嶺畔有倚翠樓上下設兩

閣閣下有平地鑿大方沼沼中作兩洲東為蘆渚亭曰

浮易西為梅渚亭曰雪浪西流為鳳池東出為雁池中

分二館東曰流碧西曰環山有閣曰巢鳳堂曰三秀東

池後有揮雪亭復由巖道至上至介亭亭左復有亭曰極

目曰蕭森右復有亭曰麗雲半山北倚景龍江引江之

上流注山澗西行爲漱瓊軒又行石間為煉丹凝真觀

園山亭下視江際見高陽酒肆及清澗閣北岸有勝筠

菴躡雲臺蕭蕭間飛岑亭支流別為山莊為回溪又於

南山之外為小山橫亘二里曰芙蓉城窮極工巧而景

歷代帝王宅京記卷十六 三

宋氏槐廬校刊

龍江外則諸館舍尤精其北又因瑤華宮火取其地作
大池名曰曲江池中有堂曰蓬壺東盡封邱門而止其
折南者過閭闔門為復道通茂德帝里江乃折南又折北
里屬之龍德宮宣和四年徽宗自為良嶽宅折北者四五
國之良故名良嶽蔡條謂初名鳳凰山後神降其詩有
良嶽排空霄因改名壽嶽蔡條謂南山成又改名壽嶽
嶽之正門名曰陽華故亦號陽華宮自政和訖靖康積
累十餘年四方花竹奇石悉聚於斯樓臺亭館雖畧如
前所記而月廣數丈殆不可以數計宣和五年朱勔於
太湖取石高增日益殆不可以數計宣和五年朱勔於
堰折插數月乃至賜號昭功敷慶神運石是年勔得燕
地故也勔緣此授節度使昭功敷慶神運石是年勔得燕
晚歲患苑圍之衆國力不能支數有厭惡語由是得宗
止及金人再至圍城日久欽宗命取山禽水鳥十餘萬
盡投之汴河聽其所折屋為薪鑿石為砲伐竹
為筵籬又取大鹿數百千頭殺之以啗戰士云
宋朝會要曰今大內即宣武軍節度使治所朱梁建都
遂以衙署為建昌宮晉天福初又為大甯宮但改名號

而已周世宗雖加營繕猶未合古制建隆三年發開封
浚儀民廣皇城四年五月太祖命有司畫洛陽宮殿按
圖修之自是皇居始壯麗矣

趙德麟侯鯖錄曰唐東京宮城東西四里一百八十八
步南北二里八十五步周迴十三里二百四十一步高
四丈八尺宋東京宮城周迴五里

邵氏聞見錄曰東京唐汴州梁太祖因宣武軍置建昌
宮晉改曰大甯宮周世宗雖加營繕猶未如王者之制
藝祖得天下之初卽遣使圖西京大內按以改作旣成
帝坐萬歲殿洞開諸門端直如繩嘆曰此如吾心小有
私曲人皆見之矣

歷代帝王宅小記卷十六

三

朱氏槐廬校刊

葉少蘊石林燕語曰京師大內梁氏建國止以爲建昌
宮本唐宣武節度治所未暇增大也後唐莊宗遷洛復
廢以爲宣武軍晉天福中因高祖臨幸更號大甯宮中
新城是也其增展外羅蓋周世宗始爲之太祖建隆初
以大內制度草創乃詔圖洛陽宮殿展皇城東北隅以
鐵騎都尉李懷義與中貴人董役按圖營建初命懷義
等凡諸門與殿須相望無得輒差故垂拱福甯柔儀清
居四殿正重而左右掖與升龍銀臺等諸門皆然惟大
慶殿與端門少差爾宮成太祖坐福甯寢殿令闢門前
後召近臣入觀諭曰我心端直正如此有少偏曲處汝
曹必見之矣羣臣皆再拜後雖嘗經火屢修率不敢易

其故處矣

按石林燕語與邵氏所記畧同

又曰大慶殿初名乾元太平興國祥符中皆因火改爲朝元天安景祐中方改今名有龍墀沙墀凡正至大朝會尊號則御焉郊祀大禮則駕宿於殿之後閣百官爲次宿於前之兩廊皇祐初始行明堂之禮又以爲明堂仁宗御纂明堂二字每行禮則旋揭之事已復去文德殿在大慶殿之西少次舊曰端明後改文明祥符中因火再建易今名紫宸殿在大慶殿之後少西其次又爲垂拱殿自大慶殿後紫宸垂拱之兩間有柱廊相通每日視朝則御文德所謂過殿也東西閣門皆在殿後之兩旁月朔不御過殿則御紫宸所謂入閣也月朔與誕

歷代帝王宅京記卷十六

古

宋氏槐廬校刊

節郊廟禮成受賀契丹辭見亦皆御紫宸文德遇受冊發冊明堂宣赦亦御而不常用宣麻不御殿而百官卽庭下聽之紫宸不受賀而拜表稱賀則於東上閣門國忌未赴景靈宮先進名奉慰則於西上閣門亦卽庭下拜而授閣門使蓋以閣不以殿也惟垂拱爲日御朝之所集英殿舊大明殿也明道中改今名每春秋大燕皆在此太祖常御策制科舉人故後爲進士殿試之所其東廊後有樓曰昇平舊紫雲樓也每大燕則宮中登而視焉皇儀殿舊名滋福咸平太宗明德皇后居之以爲萬安宮后崩復舊明道中改今名故常廢而不用以爲治后喪之所

又曰東華門直北有東向門西與內直門相直俗謂之
謬門而無榜張衡東京賦所謂謬門曲榭者也薛綜註
謬曲屈斜行依城池爲道也集韻謬字或作窻以爲宮
室相連之稱今循東華門牆而轉東西爲北門亦可謂
斜行依牆矣凡宮禁之言相承必皆有自也按字訓謬
別門耳

周密癸辛雜識曰京師有八卦殿八門各有樹木山石
無一相類皆嵌石座亦穿空與石竅相通上欲有所往
與所幸美人自一門出宮人仙衣扶輪一聲霹靂則仙
樂競奏雲霄間石竅中腦麝烟起如霧

楊奐汴故宮記曰元太宗十一年己亥春三月按部至

歷代帝王宅京記卷十六

五

朱氏槐廬校刊

於汴汴長史宴於廢宮之長生殿懼後世無以考爲纂
其大概云皇城南外門曰南薰南薰之北新城門曰豐
宜橋曰龍津橋北曰丹鳳而其門三丹鳳北曰州橋橋
少北曰文武樓遵御路而北橫街也東曰太廟西曰郊
祀正北曰承天門而其門五雙闕前行東曰登聞檢院
西曰登聞鼓院檢院之東曰左掖門門之南曰待漏院
鼓院之西曰右掖門門之南曰都堂承天之北曰大慶
門而日精門左昇平門居其東月華門右昇平門居其
西正殿曰大慶殿東廡曰嘉福門西廡曰嘉瑞樓大慶
之後曰德儀殿德儀之東曰左升龍門西曰右升龍門
正門曰隆德曰蕭牆曰丹墀曰隆德殿隆德之左曰東

上閣門右曰西上閣門皆南嚮東西二樓鐘鼓之所在
鼓在東鐘在西隆德之次曰仁安門仁安殿東則內侍
局內侍之東曰近侍局近侍之東曰嚴祇門宮中則曰
撤合門少南曰東樓卽授除樓也西曰西樓仁安之次
曰純和殿正寢也純和西曰雪香亭雪香之北后妃位
也有樓樓西曰瓊香亭亭西曰涼位有樓樓北少西曰
玉清殿純和之次曰甯福殿甯福之後曰苑門由苑門
而北曰仁智殿有二大石左曰敷錫神運萬歲峰右曰
玉京獨秀太平巖殿曰山莊莊之西南曰翠微閣苑門
東曰仙韶院院北曰湧翠峰峰之洞曰大滌湧翠東連
長生殿殿東曰湧金殿湧金之東曰蓬萊殿長生西曰
浮玉殿浮玉之西曰瀛洲殿長生之南曰闕武殿闕武
南曰內藏庫由嚴祇門東曰尙食局尙食東曰宣徽院
宣徽北曰御藥院御藥北曰右藏庫右藏之東曰左藏
庫宣徽東曰點檢司點檢北曰秘書監秘書北曰學士
院學士之北曰諫院諫院之北曰武器署點檢之南曰
儀鸞局儀鸞之南曰尙輦局宣徽之南曰拱衛司拱衛
之南曰尙衣局尙衣之南曰繁禧門繁禧南曰安泰門
安泰西與左升龍門直東則壽聖宮兩宮太后位也本
明俊殿試進士之所北曰徽音殿徽音之北曰燕壽殿
燕壽殿垣後少西曰震肅衛司東曰中衛尉司儀鸞之
東曰小東華門更漏在焉中衛尉司東曰祇肅門祇肅

門東少南曰將軍司徽音壽聖之東曰太后苑苑之殿曰慶春慶壽與燕壽竝小東華與正東華對東華門內正北尙廐局尙廐西北曰臨武殿左掖門正北尙食局局南曰宮苑司宮苑司西北曰尙醞局湯藥局侍儀司少西曰符寶局器物局西則撤合門嘉瑞樓西曰三廟正殿曰德昌東曰文昭殿西曰光興殿竝南嚮德昌之後宣宗廟也宮西門曰西華與東華直其北門曰安貞二大石外凡花石臺榭池亭之細竝不錄觀其制度簡素比土階茅茨則過矣視漢之所謂千門萬戶珠璧華麗之飾則無有也然後之人因其制度而損益之以求其稱斯可矣

歷代帝王宅京記卷之十六

七

朱氏槐廬校刊

明洪武十一年卽宋故宮遺址建周王府乃太祖第五皇子諡定始分封之國宗室繁衍甲於宅藩城中井水苦鹹難飲汴人率於城外汲水飲之惟周府太廟前汲水井水甘蓋宋大內舊井也

石林詩話曰京師職事官舊皆無公廨雖宰相執政亦僦舍而居每遇出省或有中批外奏急速文字則省吏徧持於私第呈押旣稽緩又多漏泄元豐初始建東京西府於右掖門之前每府相對爲四位裕陵幸尙書省駐輦環視久之時張侍郎文裕以詩慶宰執元參政厚和之云黃閣勢連東鳳闕紫樞光直右銀臺蓋東府與西闕相近西府正直右掖門

避暑錄話曰舊學士院在樞密院之後其南廡與樞密後廊中分門乃西向玉堂本以待乘輿行幸非學士所得常居惟禮上之日得略坐其東受院吏參謁而已其得爲主廊北出直集英殿則所謂北門也學士僅有直舍分於門之兩旁每鎖院受詔乃與中使坐主廊余爲學士時始請闢兩直舍各分其一間與北門通爲三以照壁限其中屏間命待詔鮑詢畫花竹於上與玉堂郭熙春江晚景屏相配常時以爲美談後聞王丞相將明爲承旨太上皇眷愛之厚乃旁取西省右正言廳以廣之中爲殿曰右文則非復余前日所見矣

吳處厚青箱雜記曰梁祖都汴庶事草創正明中始於

歷代帝王宅京記卷十六

支

朱氏槐廬校刊

今右長慶門東北創小屋數十間爲三館湫隘尤甚又周廬微道咸出其間衛士躡卒朝夕喧雜每受詔撰述皆移他所至太平興國中車駕臨幸顧左右曰若此卑陋何以待天下賢俊卽日詔有司規度左昇龍門東北東府地爲三館命內臣督役晨夜兼作不日而成尋下詔賜名崇文苑以東廊爲昭文館書庫南廊爲集賢院書館西廊以經史子集四部爲史館庫凡四庫書籍正副本八萬卷斯亦盛矣

東京夢華錄曰東都外城方圓四十餘里城濠曰護龍河闊十丈濠之內外皆植楊柳粉牆朱戶禁人往來城門皆甕城三層屈曲開門惟南薰門新鄭門新宋門封

邱門皆直門兩重蓋此係四正門皆留御路故也新城南壁其門有三正南門曰南薰門城南一邊東南則陳州門傍有蔡河水門西南則戴樓門傍亦有蔡河水門蔡河正名惠民河爲通蔡州故也東城一邊其門有四東南曰東水門乃汴河下流水門也其門跨河有鐵裏牕門遇夜如牕垂下水面兩岸各有門通人行路出拐子城夾岸百餘丈次則曰新宋門次曰新曹門又次曰東北水門乃五丈河之水門也西城一邊其門又四從南曰新鄭門次曰西水門汴河上水門也次曰萬勝門又次曰固子門又次曰西北水門乃金水河水門也北城一邊其門有四從東曰陳橋門乃大遼使驛路次曰封邱門

歷代帝王宅京記卷十六

左

朱氏槐廬校刊

北郊御路次曰新酸棗門次曰衛州門諸門名皆俗呼其正名如西水門曰利澤新鄭門本順天門固子門本金耀門新城每百步設馬面戰棚密置女頭旦暮修整望之聳然城裏牙道各植榆柳成陰每二百步置一防城庫貯守禦之器有廣固兵士二十指揮每日修造泥飾專有京城所提總其事

舊京城方圓約二十里許南壁其門有三正南門曰朱雀門左曰保康門右曰新門東壁其門有三從南汴河南岸角門子河北岸曰舊宋門次曰舊曹門西壁其門有三從南曰舊鄭門次汴河北岸角門子次曰梁門北壁其門有三從東曰舊封邱門次曰景龍門乃大內城角寶籙宮前次曰金水門也

穿城河道有四南壁曰蔡河自陳蔡由西南戴樓門入
京城繚繞自東南陳州門出河上有橋十一自陳州門
裏曰觀橋在五岳觀後門從北次曰宣泰橋次曰雲騎橋次曰

橫橋子

在彭婆宅前

次曰高橋次曰西保康門橋次曰龍津

橋

正對內前

次曰新橋次曰太平橋

高殿前宅後

次曰糶麥橋次

曰第一座橋次曰宜男橋出戴樓門外曰四里橋中曰
汴河自西京洛口分水入京城東去至泗州入淮運東
南之糧凡東南方物至此入京城公私仰給焉自東水
門外七里至西水門外河土有橋十三從東水門外七
里曰虹橋其橋無柱皆以巨木虛架飾以丹雘宛如飛
虹其上下土橋亦如之次曰順城倉橋入水門裏曰便

歷代帝王宅京記卷十六

三

宋氏槐廬校刊

橋次曰下土橋次曰上土橋投西角子門曰相國寺橋

次曰州橋

正名大漢

正對於大內御街其橋與相國寺橋皆

低平不通舟船惟西河平船可過其柱皆青石爲之石
梁石筍循欄近橋兩岸皆石壁雕鏤海馬水獸飛雲之
狀橋下密排石柱蓋車駕御路也州橋之北岸御路東
西兩闕樓觀對聳橋之西有方淺船二隻頭置巨幹鐵
槍數條岸上有鐵索三條遇夜絞上水面蓋所遺失舟
船也西去曰浚儀橋次曰興國寺橋亦名馬軍軍衙橋次曰太
師府橋蔡相宅前次曰金梁橋次曰西浮橋舊以船爲之橋今皆用木石造
矣次曰西水門便橋門外曰橫橋東北曰五丈河來自
濟鄆般挽京東路糧斛入京城自新曹門北入京河上

有橋五東去曰小橫橋次曰廣備橋次曰蔡氏橋次曰青暉橋染院橋西北曰金水河自京城西南分京索河水築堤從汴河上用木槽架過從西北水門入京城夾墻遮擁入大內灌後苑池浦矣河上有橋三曰白虎橋橫橋五王宮橋之類又曹門河小子橋曰念佛橋

大內正門宣德樓列五門門皆金釘朱漆壁皆磚石間甃鑄鏤龍鳳飛雲之狀莫非雕甍畫棟峻桷層椽覆以琉璃瓦曲尺朵樓朱欄彩楹下列兩闕亭相對悉用朱紅杈子入宣德樓正門乃大慶殿庭設兩樓如寺院鐘樓上有太史局保章正測驗刻漏逐時刻執牙牌奏每遇大禮車駕宿齋及正朔朝會於此殿殿外左右橫門

歷代帝王宅京記卷十六

三

朱氏槐廬校刊

曰左右長慶門內城南壁有門三座係大朝會趨朝路宣德樓左曰左掖門右曰右掖門左掖門裏乃明堂右掖門裏西去乃天章寶文等閣宮城至北廊約百餘丈入門東去街北廊乃樞密院次中書省次都堂宰相朝退治事於此門下省次大慶殿外廊橫門北去百餘步又一橫門每日宰執趨朝此處下馬餘侍從臺諫於第一橫門下馬行至文德殿入第二橫門東都大慶殿東偏門西廊中書門下後省次修國次院次南向小角門正對文德殿常朝殿也殿前東西大街東出東華門西出西華門近裏又兩相門對左右嘉肅門也南去左右銀臺門自東華門裏太子宫入嘉肅門街南大慶殿後門東西上閣

門街北宣祐門南北大街西廊面東曰凝暉殿乃通會
通門人禁中矣殿相對東廊門樓乃殿中省六尚局御
廚殿上常列禁衛兩重時刻提警出入甚嚴近裏皆近
侍中貴殿之外皆知省御藥幕次快行親從官輦官車
子院黃院子內諸司兵上祇候宣喚曰宮禁買賣進貢
皆由此入宣祐門外西去紫宸殿正朔受朝於此次日文德殿
常朝次日垂拱殿次日皇儀殿次日集英殿御宴及試舉人於此
後殿曰崇政殿保和殿內書閣曰睿思殿後門曰拱辰
門

內諸司皆在禁中如學士院皇城司四方館客省東西
上閣門通進司內弓劍槍甲軍器等庫翰林司茶酒局也內

歷代帝王宅京記卷十六

三

宋氏槐廬校刊

侍省入內內侍省內藏庫奉宸庫景福殿庫延福宮殿

中省六尚局

尚藥尚食尚輦尚醞尚舍尚衣

諸閣分內香藥庫後苑作

翰林書藝局醫官局天章等閣明堂班朔布政府

外諸司左右金吾街仗司法酒庫內酒坊牛羊司乳酪

院儀鸞司

帳設局也

車輅院供奉庫雜物庫雜賣務東西作

坊萬全

造軍器所

修內司文思院上下界綾錦院文繡院軍

器所上下竹木務箔場車營致遠務驛務馳坊象院作

坊物料庫東西窰務內外物庫油醋庫京城守具所鞍

轡庫養馬日左右馱驥院天駟十監河南北十炭場四

熱藥局內外柴炭庫軍頭引見司架子營

樓店務

樵貨

務都茶場大宗正司左藏大觀元豐宣和等庫編估司

打套所諸米麥等自州東虹橋元豐倉順成倉東水門裏廣濟裏河折中外河折中富國廣盈萬盈永豐濟遠等倉陳州門裏麥倉子州北夷門山五丈河諸倉約共有五十餘所日有支納下卸卽有下卸指軍兵士支遣卽有袋家每人肩兩石布袋遇有支遣倉前成市近新城有草場二十餘所每遇冬月諸鄉納粟稈草牛車闐塞道路車尾相啣數十萬輛不絕場內堆積如山諸軍打請營在州北卽德州南倉不許僱人般擔竝要親自負米此祖宗之法也

坊巷御街自宣德樓一直南去約闊二百餘步兩邊乃御廊舊許市人買賣於其間自政和閒官司禁止各安

歷代帝王宅京記卷十六

三

宋氏槐廬校刊

立黑漆杈子路心又安朱漆杈子兩行中心道不得人馬行往行人皆在廊下朱杈子之外杈子裏有磚石甃砌御溝水兩道宣和閒盡植蓮荷近岸植桃李梨杏雜花相閒春夏之月望之如繡

宣德樓前左南廊對左掖門爲明堂頒朔布政府秘書省右南廊對右掖門近東則兩府八位西則尙書省御街大內前南去左則景靈右則西宮近南大晟府次日太常寺州橋曲轉大街面南日左藏庫

金史日南京路國初日汴京貞元元年更號南京 都城十四門日開陽日宣仁日安利日平化日通遠日宣照日利川日崇德日迎秋日廣澤日順義日迎朔日順

常曰廣智宮城門南外門曰南薰南薰北新城門曰豐
宜橋曰龍津橋北門曰丹鳳其門三丹鳳北曰丹橋橋
少北曰文武樓遵御路而北橫街也東曰太廟西曰郊
社正北曰承天門其門五雙闕前引東曰登聞檢院西
曰登聞鼓院檢院東曰左掖門門南曰待漏院鼓院西
曰右掖門門南曰都堂直承天門北曰大慶門門東曰
日精門又東曰左昇平門大慶門西曰日華門右西曰
右昇平門正殿曰大慶殿殿前有龍墀又南有丹墀東
廡曰嘉福樓西廡曰嘉瑞樓大慶後曰德儀殿殿東曰
左昇龍門西曰右昇龍門正門曰隆德內有隆德殿有
蕭牆有丹墀隆德殿左曰東上閣門右曰西上閣門皆

歷代帝王宅京記卷十六

西

朱氏槐廬校刊

南向鼓樓在東鐘樓在西隆德之次曰仁安門仁安殿
東則內侍局又東曰近侍局又東則嚴祇門宮中則稱
曰撤合門少南曰東樓則授除樓也西曰西樓仁安之
次曰純和殿正寢也純和西曰雪香亭亭北則后妃位
也有樓樓西曰瓊香亭亭西曰涼位有樓樓北少西曰
玉清殿仁和之次曰福甯殿殿後曰苑門內曰仁智殿
有二太湖石左曰敷錫神運萬歲峰右曰玉京獨秀太
平巖殿曰山莊其西南曰翠微苑門東曰仙韶院院北
曰翠峰峰之洞曰大滌翠湧東連長生殿又東曰湧金
殿又東曰蓬萊殿長生西曰浮玉殿又西曰瀛洲殿東
生殿南曰闕武殿又南曰內藏庫嚴祇門東曰尙食局

又東曰宣徽院院北曰御藥院又北右藏庫東則左藏
庫宣徽院東曰點檢司司北曰秘書監又北曰學士院
又北曰諫院又北曰武器署點檢司南曰儀鸞局又南
曰尙輦局宣徽院南曰拱衛司又南曰尙衣局其南爲
繁禧門又南曰安泰門門與左昇龍門相直東壽聖宮
兩宮太后位也本明俊殿試進士之所宮北曰徽音院
又北曰燕壽殿殿垣後少西曰振肅衛司東曰中衛尉
司儀鸞局東曰小東華門更漏在焉中衛尉司東曰祇
肅門少東南曰將軍司徽音壽聖東曰太后苑殿曰慶
春與燕壽殿竝小東華門對東華門內正北
尙廩局其西北曰臨武殿左掖門北尙食局南曰宮苑

歷代帝王宅京記卷十六

三

朱氏槐廬校刊

司其西北尙醞局湯藥局侍儀司少西曰符寶局器物
局又西則撤合門也嘉瑞樓西曰三廟正殿曰德昌東
曰文昭西曰光興德昌後宣宗廟也宮西門曰西華與
東華相直北門曰安貞

大金國志曰貞元三年國主陰有南征之志乃謀遷都
汴京先遣參知政事馮長甯爲留守經畫修內未幾天
火焚之宮室皆盡主大怒免長甯爲庶人尋杖之死

正隆元年冬復修汴京大內遣左丞相領行臺尙書省
督其事以梁漢臣爲提舉官號大使詔曰朕祇奉上元
君臨萬國屬從朔地爰出幽都猶跼脊於一隅非光宅
於中土顧理道所在有因有循權變所生有革有化大

梁天下之都會陰陽之正中朕惟變通之數其可違乎
往歲卜宅相土宜建新都將命不處燼於一炬第山川
秀麗卉物繁滋朕夙有志焉雖則劬勞其究安宅其大
內規模一仍舊貫可大新營構乘時葺理

汴京制度宣宗所遷大槩依宋之舊故宮宮牆四角皆
有樓高五丈每樓一所兩旁各有屋以裹牆角自左掖
門向西三十步橫入一門號左昇龍門入長門卽大慶
門外游峻廊上俯闕通市正望丹鳳樓後下樓卽右昇
龍門此兩門通左右掖門橫通大慶門外其門有三中
曰大慶東曰日精西曰月華門旁皆列戟入此門望見
大慶殿殿前有兩樓對峙東曰嘉福西曰嘉瑞大慶殿

歷代帝王宅京記卷十六

三

朱氏槐廬校刊

屋十一間龍墀二級旁朵殿各三門峻廊後與兩廡相
接殿壁畫四龍各長數丈乃宣宗渡河後畫中有御畫
小龍用拱斗鬪成一方井如佛正殿蓋中有一金龍以
絲網罩之此正衙也轉西御屏下峻階數步一殿曰德
儀殿有三門中曰隆平左曰左隆平右曰右隆平入此
門東西兩井望見隆德殿卽宋垂拱殿也殿庭中東一
鐘樓西一鼓樓殿屋五大間旁各殿三間階上龍墀一
級東西兩閣門竝樓屋下有門通往來此常朝殿也此
殿後又一庭院有門曰仁安東西兩門東出東華門入
仁安門望見仁安殿龍墀兩廊皆入仁德殿規模卽宋
集英殿也自此後兩殿有門皆有船軒連接兩邊廊屋

止是墨漆牕戶意謂必宮人居於此乃內殿百官不到
前四殿皆琉璃筒瓦一殿曰德和一殿曰福甯後有一
小殿殿後有直舍此殿後卽內宮牆門有門兩重出入
後苑十數步間過一小徑橋有仁智殿溪中有龍舟仁
智殿下兩巨石高三丈廣半之東一石有小碑刻敕賜
昭度神運萬歲峰西一石刻獨秀太平巖乃宋徽宗御
書刻石填金殿後有石壘成山高百尺廣倍之最上刻
石曰香石泉山山後挽水上山水自流下至荆玉澗又
流至湧翠峰下有太山洞水自洞門飛下復由本路出
德和殿迤邐至大慶門外橫德右昇龍門出後朝門榜
曰啟慶之宮入宮門後有三門中曰德昌左曰文昭右

歷代帝王宅京記卷十六

三

朱氏槐廬校刊

日光興制度宏麗金碧輝映不可勝言出啟慶門復入
右昇龍門過大慶門外出左昇龍門向東行一門向南
榜曰聖壽宮左安泰門右明昌門卽金國太后宮入宮
門直入一門榜曰徽音又一門榜曰光熙望見徽音殿
長樂殿入光熙門繁禧門有德壽殿復出此宮卽秘閣
在左掖門之西五門之東卽古待漏院自五門望南向
丹鳳門中間禁路兩廊千步廊盡處向東一屏牆向南
一大門卽太廟門內三門門上竝畫蟠龍殿宇二十五
間高大宏麗兩旁修廊東西各開一門與廊相通蓋百
官陪位入此兩門甚便殿上十一室盡榜金國祖宗諡
號每一室計三門東邊一門西邊一牕嵌一小石室上

下有石廣三尺石門一閣可開閉係藏神主處遇祭祀
迎神主出石室祭畢復藏殿宇出太廟向西行向南一
門卽社壇周圍皆牆外四門遇祭則開迎四方之氣宮
室制度金國時有改更大抵皆宋朝之舊也

歷代帝王宅京記卷十六

三

朱氏槐廬校刊

光緒歲在著雍困敦春月吳縣朱記榮槐廬家塾校刊
歷代帝王宅京記卷十六終